

吾

學

編

皇明大政記第二卷

吾學編第二卷

臣海鹽鄭曉

癸未成祖文皇帝永樂元年春正月陳瑛爲左都御史○復封周齊代峨王○以北平爲北京○二月設北京行部行後軍都督府郭資雜僉爲行部尚書平安行都督僉事○貽書鬼力赤可汗○皇子高煦率兵備開平○武定侯郭英卒○三月徙北平行部尚書僉事保定以統諸軍○五月戶部尚書夏原吉治水江南○襄城伯李濬鎮守江西○太白出昇北○禁金銀交易○五月

考妣太祖聖神文武欽明睿運使德成功統天大
孝高皇帝孝慈昭憲至仁文德承天順聖高皇后
○六月太祖高皇帝實錄成○秋七月書諭鬼力
赤可汗○八月平江伯陳瑄總督海運○九月宋
賢才○歷城侯盛庸暴卒○冬十月靖安侯王忠
安集北平○長興侯耿炳文暴卒○金忠爲兵部
尚書○十一月定武職新舊官襲替法○閏十一
月封黎蒼爲安南國王李芳達朝鮮國王○十二
月徙富民實北京

甲申永樂二年春正月召世子及高煦還京○二月

貽書鬼力赤可汗○三月改封敷惠王允熲爲歷
寧王奉懿文皇太子祀○通政趙居任使日本今
十年一貢○夏四月簡東宮官蹇義兼詹事解縉
翰林學士兼右春坊大學士黃淮胡廣左右庶子
胡儼楊榮左右諭德楊士奇左中允○立世子高
拱爲皇太子封皇子高煦漢王高燾趙王○倭寇
浙東○五月○六月封哈密克帖木兒爲忠順
王○太子少師姚廣孝賑濟蘇湖○秋七月○八
月老嫗送安南故王孫陳天平來朝○九月胡儼
爲國子祭酒○冬十月○十一月錄囚奉天殿○

詔天津衛○鬼力赤馬哈木相讐殺遣人覓馬○

十二月禁錮李景隆○是年周新爲監察御史

乙酉永樂三年春正月免順天永平保定田租二年

○二月改黃福爲北平行部尚書朱禮工部尚書

○三月安克帖木兒卒脫脫嗣封忠順王○保定

侯孟善市馬開原○夏四月僉都御史俞士吉使

日本封其酋爲日本國王○五月戒飭親王○六

月黎蒼裴請陳太平歸國○賑江東飢民○秋七

月段民爲戶部右侍郎○八月戶部尚書郁新卒

夏原吉還掌部事○九月李至剛落職改鄭賜爲

禮部尚書呂震爲刑部尚書○冬十月駙馬都尉
梅殷暴卒○十一月○十二月左右副將軍黃中
呂毅帥師逃天平歸國

丙永樂四年春正月考察北京及天下文武官○
南陽盜起豐城侯李彬新城侯張輔討平之○封
黎蒼爲順化郡公○二月趙王高燧居守北京○
三月謁先師視太學○書諭鬼力赤可汗○黎蒼
弑其故主天平於芹站○四月東遺書○五月廢
齊王搏爲庶人尋安置廬州○六月己未朔日食
○秋七月征夷大將軍成國公朱能左右副將軍

西平侯沐晟新城侯張輔參贊軍務兵部尚書劉
儒督理軍餉行部尚書黃福大理卿陳洽率師分
道討黎蒼○朱濬爲行部尚書○閏七月建北京
宮殿○平江伯陳瑄兼江淮河衛轉運○八月勅
秦晉守將朱晟何福吳高練兵防胡○九月設陝
西甘肅苑馬寺○冬十月輔兵度城壘關晟兵至
白鶴江○征夷大將軍總兵官戚繼光朱能卒於
龍川輔爲征夷大將軍○陳瑄薨倭於沙門島敗
之○十一月○十二月大赦○甌寧王允熲暴卒
輔至交州晟追賊至木九江

丁永樂五年輔晟合兵破賊等江柵○二月解縉
爲廣西右叅議○三月輔晟合兵破賊於富良江

○夏四月皇長孫出閣就學○五月輔兵追賊出
奇羅海口擒黎蒼及其父季犛檻送京師○六月
安南平置交趾都布按三司都督呂毅掌都司事
尚書黃福兼掌布按司事○徵用交趾人材○秋
七月甘肅總兵官西寧侯宋晟卒○乙卯皇后徐
氏崩○八月議設海運都漕運使司○九月季犛
蒼及其僞將相下獄○冬十月辛巳朔日食○初
設屯田按察僉事○十一月胡廣爲翰林學士兼

左春坊大學士黃淮右春坊大學士楊榮右庶子
楊士奇金幼孜左右諭德兼職如故○令內閣儒
臣考滿吏部勿改外任○十二月戶科都給事中
胡濙訪求異人○是年撒馬兒罕同哈里遣人送
給事中傅安孫驥還

戊永樂六年春正月○二月定巡狩禮○三月書
諭本雅失里○夏四月己卯朔日食○五月○六
月征夷諸將班師還京進封沐晟黔國公張輔英
國公封柳升安遠伯○禮部尚書鄭賜卒改呂震
禮部尚書都御史劉觀爲刑部尚書○楊榮憂去

○秋七月征西將軍寧陽侯陳懋鎮守寧夏○翰林學士王景彰卒○八月交趾簡定反征夷將軍沐晟叅贊軍務兵部尚書劉儁帥師討之○詔明年二月巡北京○九月○冬十月乙亥朔日食○十一月淳泥國王麻那惹加那乃來朝卒○勅文武大臣輔導皇長孫○十二月晟兵遇賊於生厥江敗績都督呂毅尚書劉儁交趾叅政劉昱死之○英國公張輔總兵清遠侯陳友副之帥師討簡定○无刺攻破鬼力赤阿魯台立本雅失里爲可汗

巳永樂七年春正月太監鄭和航海趨西爾密○
楊榮起復○二月帝發京師皇太子監國○燕瑄
下錦衣獄卒○平安暴卒○三月帝至北寧○四
月遣給事中郭驥諭木雅失理驛不肖死之○
四月方賓爲兵部尚書○五月作壽陵於昌平○
簡定稱上皇立陳季擴爲越皇帝○討寇刺兀哈
木爲順寧王太平賢義王把禿孛羅安樂王○六
月遣御史考察守令○秋七月征虜大將軍淇國
公丘福左右副將軍武城侯王聰同安侯火真左
右叅將靖安侯王忠安平侯李遠率師征木雅失

理○楊榮經畫甘肅軍務○八月征虜兵至於懸
胸河五將皆敗歿○輔敗賊於鹹子關○九月輔
敗賊於太平海口○甘肅總兵都督何福撫定亦
集乃諸酋封福爲寧遠侯○冬十月封陳懋爲寧
陽侯○十一月輔兵至美良獲簡定檻送京師季
擴走○十二月

庚永樂八年春正月召輔還晟節制諸軍雲陽伯
陳旭副之討季擴○簡定伏誅○二月帝帥師征
本雅失理皇長孫留北京夏原吉兼理行在鄒院
事○胡儼兼侍講掌翰林院事○二月大閱於鳴

鑾戍○永昌總官叛總兵都督費繼宗贊軍務刑
部尚書劉觀討平之○夏四月○五月帝追奔至
幹難河擊敗之本雅失理遁遂班師○六月阿魯
台詐降逆戰敗走帝追擊大敗之○秋七月帝至
北京○八月寧遠侯何福暴卒○長沙妖賊反豐
城侯李彬討平之○九月周王請祀太祖於國中
不許○冬十月帝發北京○贖民鬻子○十一月
帝還京○十二月李擴請降以爲交趾右布政使
尋復反

辛卯永樂九年春正月征虜副將軍輔及征夷將軍

成會兵討交趾○二月敕交趾○尚書宋禮都督
周長浚會通河○設奴兒干都司置開原馬市○
三月陳瑛有罪下獄死○浚中灤河○夏四月○
五月倭寇浙東○六月楊榮起復○逮交趾參議
解縉下錦衣獄○鄭和襲執錫蘭山國王亞烈若
柰兒○周宗範謝垣伏誅○秋七月輔晟與敗賊
于月當江○八月刑部右侍郎段民卒○九月○
冬十月重修太祖高皇帝實錄○哈密忠順王脫
脫卒封免力帖木兒爲忠義王尋卒封寧羅魯木
兒爲忠順王○十一月立皇長孫鐸爲皇太子

○輔率舟師破賊於海上○十二月○閏十二月
令百官條上軍民利病○令薦舉堪任牧民風憲
者○阿魯台納款請併屬女直吐番諸部不許○
是年滿刺加國王拜里迷蘇刺來朝

壬辰永樂十年春正月禁差守令○倭寇浙東○二
月勅戒武臣○三月選庶吉士法司理刑○夏四
月○五月○六月○秋七月赦亞烈若柰兒歸國
○八月輔兵破賊於神投海口○九月瓦剌馬哈
木攻破本雅失理立答里巴爲可汗○冬十月皇
太孫演武方山○輔兵破賊西心江○十一月楊

榮經略甘肅軍務老的罕來降○十二月○是年
殺浙江按察使周新○降安定王尚炆爲庶人安
置泗州

癸未永樂十一年春正月辛巳朔日食免朝賀○二
月帝巡狩北京皇太孫從行皇太子監國○三月
田琛田宗鼎伏誅設貴州布政司工部侍郎蔣廷
瓚爲左布政使○夏四月○五月○六月○秋七
月封阿魯台爲和寧王○八月吏部員外郎陳誠
使西域○九月○冬十月○十一月瓦剌三酋叛
○十二月輔展會兵敗賊于愛子江擒季擴檻送

京師

甲午永樂十二年春正月丙子朔日食免朝賀○二月安遠侯柳升將中軍宣陽侯陳懋襄城伯李隆豐城侯李彬遂安伯陳瑛成山侯王通保定侯梁瑛都督譚清新寧侯譚忠領左右哨掖討瓦剌○三月帝發北京皇太孫從行○夏四月五軍出塞○五月閱武楊林皮○六月丙寅朔日食○前鋒都督劉江破虜於廣哈里○帝至土刺河答里巴及其三酋逆戰大敗之遂班師阿魯台遣人來朝○秋七月帝駐宣府○八月帝還北京○陳季擴

伏誅○九月令支運轉漕○閏九月逮黃淮楊士奇楊溥下錦衣獄尋釋士奇○冬十月吳高有罪免爲庶人○十一月甲午朔日食命廣禁幼孜纂修五經四書性理大全○十二月

乙未永樂十三年春正月解縉暴卒○二月○三月禮官請賀大巖山呼萬歲不許○夏四月征夷將軍英國公張輔鎮守交趾○兵部尚書兼詹事金忠卒○五月陳瑄開清江浦罷海運令轉運○六月○秋七月誅貪殘守令○八月○九月壽陵成進封武義伯王通爲成山侯○五經四書性理大

全書成○冬十月吏部員外郎陳誠上使西域記
○十一月麻祿國進麒麟帝不受賀○十二月定
牧馬法

丙申永樂十四年春正月○二月○三月改封趙王
於彰德漢土於青州○夏四月紀綱伏誅○祠祭
郎中周訥請封禪泰山不許○胡廣爲文淵閣大
學士楊榮金幼孜翰林學士○五月壬辰朔日食
○六月襄城伯李隆守備南京○秋七月遣將練
兵海上防倭○八月作北京西宮○九月初令御
史巡鹽○冬十月帝還南京○十一月復議建北

京○召張輔還京豐城侯李彬鎮守交趾○十二月故吳王允燬卒○胡濙爲禮部右侍郎○是年監察御史黃宗載巡按交趾

丁未樂十五年春正月○倭寇浙東○二月廢谷王穗爲庶人○楊士奇爲翰林學士○三月漢王高煦改封之國樂安○帝巡北京皇太子監國○夏四月丁巳朔日食○五月倭寇浙東○山東旱蝗○閏五月遣文武大臣分道經理漕運○六月建北京郊廟宮殿○秋七月冊皇太孫妃胡氏○馬哈木死封其子脫歡爲順寧王○八月○九月

蘇祿國王巴都葛以答刺來朝卒○冬十月癸未朔日食○禮部員外郎呂淵使日本○十一月趙犴爲兵部尚書巡督塞上屯戍○十二月○是年安惠王卒無子國除

戊戌永樂十六年春正月安南黎利反總兵李彬遣兵討之利敗走○禮官請賀玄惠不許○二月○三月太子少師姚廣孝卒○初令民運○夏四月五月太祖高皇帝實錄成○大學士胡廣卒○六月纂修天下郡縣志○秋七月日本西源義遣使朝貢謝罪○八月○九月○冬十月○十一月亦

力把力歪思弑其主納里失只罕而自立○十二月申嚴賊禁

已永樂十七年春正月○二月○三月蹇義起復
○夏四月○五月○六月遼東總兵都督劉江大
破倭奴於望海埚封江爲廣寧伯○秋七月○八
月○九月○冬十月○十一月○十二月令慎選
守令

子與永樂十八年春正月楊榮金幼孜並爲文淵閣
大學士兼翰林學士○閏正月○二月山東妖婦
唐賽兒反安遠侯柳升率兵討之○三月山東都

指揮衛青擊破妖賊唐賽兒遁逮升下詔獄尋宥之○夏四月廣寧伯劉江卒○五月交趾叅政侯保馮貴禦賊死之○大索唐賽兒○六月○秋七月○八月丁巳朔日食○九月己巳北京宮殿成蔡信爲工部右侍郎○冬十月○十一月改京師爲南京稱行在所爲京師○十二月皇太子太孫至京師○封薛祿爲陽武侯

辛永樂十九年春正月甲子朔帝御奉天殿受朝賀戊寅大赦○改楊士奇爲左春坊大學士○二月虜寇寧夏○三月○夏四月庚子奉天華蓋謹

身三殿災肆赦禁謗訕遣尚書蹇義等巡行天下
安撫軍民監察御史何忠爲政平知州○五月李
彬屯田交趾○六月○秋七月段民爲山東左叅
政○八月辛巳朔日食○九月○冬十月阿魯台
叛數寇邊○赦黎利爲清化知府○十一月議北
征逮戶部尚書夏原吉工部尚書吳中繫掖庭獄
兵部尚書方賓暴卒○十二月李慶爲兵部尚書
壬寅永樂二十年春正月己未朔日食○二月議北
征餽餉○三月阿魯台攻興和殺守將丁丑帝發
京師討之○夏四月倭寇浙東○五月駐獨石大

閏○六月虜攻萬全○秋七月阿魯台北走旋師
討兀良哈大破之○工部尚書宋禮卒○八月班
師○九月帝還京逮大學士楊士奇尚書蹇義呂
震下錦衣獄尋釋之○冬十月○十一月○十二
月○閏十二月阿魯台弑其主本雅失理自稱可
汗

癸亥永樂二十一年春正月○二月○三月○夏四
月瓦剌脫歡攻阿魯台敗之○五月常山護衛指
揮王瑜告變孟賢伏誅○六月庚戌朔日食○秋
七月安遠侯柳升遂安伯陳瑛將中軍武安侯鄭

亨成國公朱勇英國公張輔成山侯王通將左右
軍寧陽侯陳懋將前鋒從征阿魯台○八月大閱
遂發京師○九月○冬十月虜酋也先土干降封
爲忠勇王遂班師○十一月帝還京○十二月○
是年李時勉復爲翰林侍讀

甲辰永樂二十二年春正月逮朝覲官下錦衣獄尋
釋之○阿魯台寇大同○二月○三月大閱安遠
侯柳升將中軍英國公張輔成山侯王通武安侯
鄭亨陽武侯薛祿將左右軍寧陽侯陳懋忠勇王
金忠將前鋒從征阿魯台○夏四月帝發京師○

五月閩浙盜起尋撫定之○六月帝出塞不見虜
遂班師○秋七月辛卯帝崩於榆木川○八月丁
巳皇太子即皇帝位○大赦○出夏原吉吳中於
獄復其官○復設三公三孤○加蹇義少保楊榮
太常卿金幼孜戶部右侍郎楊士奇禮部左侍郎
兼華蓋殿大學士○出黃淮楊溥於獄淮爲通政
使兼武英殿大學士溥翰林學士○罷通西南海
夷○九月謚號大行皇帝太宗體天弘道高明廣
運聖武神功純仁至孝文皇帝仁孝皇后仁孝慈
懿誠明莊獻配天齊聖文皇后○尚書黃福還京

兵部尚書陳洽兼掌交趾布按司事○加蹇義少
傅楊士奇少保楊榮太子少傅兼謹身殿大學士
金幼孜太子少保兼武英殿大學士○襄城伯李
隆總兵鎮守山海尋復守備南京○冬十月向瑄
爲右都御史兼詹事○令三法司會內閣府部司
科於承天門審錄重囚○選東宮官安遠侯柳升
太子少傅成山侯王通陽武侯薛祿並太子太保
禮戶兵部尚書呂震夏原吉李慶太子少師少傅
少保戶部尚書郭資兼太子賓客刑部尚書吳中
工部尚書黃福並兼詹事官祭王英左右春坊大

學士黃宗義詹事府丞○立妃張氏爲皇后○立

皇太孫瞻景爲皇太子○嚴舉主連坐法○封都

督李賢爲忠勤伯○十一月宥建文諸臣家族○

交趾黎利反○改楊時習爲交趾按察使○遣御

史分巡察官吏○進蹇義楊士奇夏原吉少師

少傅少保左都御史劉觀太子少保改吳中工部

尚書兼太子少保金純刑部尚書○郭資進太子

太師致仕○虜寇雲州陽武侯薛祿擊敗之○塋

長陵○封張昶爲彭城伯○征西前將軍武安侯

鄭亨鎮守大同○十二月加楊榮工部尚書○作

觀天臺於禁中徙封韓恭王於平涼○是年御講
爲南京戶部尚書兼掌吏部事

皇明大政記第二卷終

子履準校正

皇明大政記第三卷

吾學編第三卷

臣海鹽鄭曉

仁宗昭皇帝洪熙元年春正月加楊士奇兵部尚書黃淮少保戶部尚書金幼孜禮部尚書○楊溥直弘文閣○大祀天地於南郊奉太祖成祖配○大赦○布政使周幹按察使胡璆叅政葉春巡視江東浙西八郡○二月祭酒兼侍講胡儼加太子賓客致仕○除誹謗禁○楊溥爲太常卿兼翰林學士○復北京舊制行後軍都督府○胡濙爲太子賓客兼南京國子祭酒○三月權謹爲文

華嚴大學士○征虜將軍榮昌伯方智舉歸討
黎利○吳訥爲監察御史○徙岷王榷於武岡○
夏四月南京地震○皇太子謁皇陵祖陵孝陵
○蠲水旱蝗田租○定文廟脩享功臣○五月修
成祖文皇帝實錄○改季時勉羅汝敬爲監察御
史○庚辰帝不豫召皇太子辛巳帝崩於欽安殿
○六月辛丑皇太子還至良鄉宮中始發喪○庚
戌皇太子即皇帝位大赦○南京地震○秋七月
尊皇后張氏爲皇太后○號謚大行皇帝仁宗敬
天體道純誠至德弘文欽武章聖達孝昭皇帝○

立妃胡氏爲皇后○行在兵部侍郎戴綸副陳洽
贊理軍務○閏七月修仁宗昭皇帝實錄○胡濙
爲禮部左侍郎兼太子賓客○八月胡槩爲大理
卿及四川叅政葉春巡撫江南浙江○九月堊獻
陵○令會試分南北取士○冬十月丙寅朔日食
○十一月鎮朔大將軍陽武侯薛祿巡開平宣大
○平江伯陳瑄鎮淮安兼都督漕運○十二月
南京地震○瓦剌爲哈木立脫脫不花爲可汗

皇明大政記第四卷

吾學編第四卷

臣海鹽鄭曉

丙午宣宗章皇帝宣德元年春正月金幼孜憂去尋
起復○二月○三月陳智方政兵討黎利敗績於
茶籠○張瑛爲禮部左侍郎兼華蓋殿大學士入
直文淵閣○夏四月呂震奪胡濙爲行在禮部尚
書○征夷將軍戚山侯王通帥師征交趾尚書陳
洽仍叅贊軍務安平伯李安掌交趾都司事辭陳
智方政官爵○五月召薛祿還京○沈度爲行在
翰林學士○六月○秋七月北京地震○八月壬

戊漢王高煦反辛未帝發北京襄王鄭王居守陽
武侯薛祿清平伯吳成將前鋒及五軍列侯諸將
從討之辛巳帝至樂安壬午擒高煦乙酉班師○
九月帝還北京○遣駙馬廣平侯袁容左都御史
劉觀諭趙王高燧○繫高煦於逍遙城王斌朱恒
伏誅○冬十月復以李時勉爲行在翰林侍讀○
十一月通擊交趾賊敗績尚書陳洽死之○十二
月征虜副將軍安遠侯柳升左副總兵保定伯梁
銘征南將軍黔國公沐晟左右副總兵興安伯徐
亨新寧伯譚忠率師分道討黎利兵部尚書李慶

叅贊軍務工部尚書無詹事黃福仍掌交趾布按司事○張本爲兵部尚書○是年以太和山佃戶陳祚爲監察御史○于謙爲監察御史

和宣德二年春正月○二月趙王高燧上書謝罪○行在戶部左侍郎陳山爲尚書兼謹身殿大學士直文淵閣○進張瑛禮部尚書○黎利攻交趾城王通擊敗之○南京地震○王驥爲兵部侍郎○三月改轉運爲支運○大理卿虞謙卒○夏四月廢晉王濟熿爲庶人安置鳳陽○通許利和貢方物請立陳氏後○五月鎮朔大將軍陽武侯

薛稷獲餉開平○簡用罷黜庶官○六月寧陽侯
陳懋復鎮守寧夏○秋七月利陷隘留關逮鎮遠
侯顧興祖下獄征蠻將軍都督山雲鎮守廣西○
八月大學士黃淮致仕○九月升至隘留關遇賊
死梁銘李震卒崔聚兵潰○冬十月通與利盟退
師○復李時勉翰林侍讀○十一月行在禮工部
左右侍郎李琦羅汝敬諭安南立陳暲爲王諸將
班師○皇長子生大赦○十二月張善伏誅○是
年南京戶部尚書兼掌吏部事師達卒○差科道
官清軍

戊申宣德三年春正月書諭阿魯台○二月立皇長子瞻基爲皇太子大赦○通兵退次南寧○改民爲南京戶部侍郎尋改南京刑部○三月皇后胡氏遜居別宮立貴妃孫氏爲皇后○夏四月黃福爲行在工部尚書○廣西總兵山雲討平蠻寇○魏驥爲試行在吏部侍郎○閏四月王通梁瑛陳智李安方政戈謙山壽馬騏下詔獄籍其家蔡福朱廣伏誅褒贈安南死事文武諸臣○五月琦汝敬還利表陳昂卒乞守國侯命○汝敬復諭利訪陳氏後○六月行在工部尚書吳中下獄尋釋之

○刑部尚書金純致仕○秋七月顧佐爲行在右
都御史○八月皇子祁鉦生○革北京行部行後
軍都督府○丁未帝東巡英國公張輔陽武侯薛
祿帥師以從○九月帝出喜峯口擊兀良哈大破
之遂班師○癸酉帝還京○冬十月陽武侯薛祿
遂安伯陳瑛武進伯朱冕鎮守薊州永平山海○
塞義夏原吉輟部事○十一月城獨石遂棄開平
○十二月福建樓瀛反伏誅○是年勅南京刑部
侍郎段民考察京官

己宣德四年春正月南京地震○二月羅汝敬還

利貢方物○三月遣李琦諭利○夏四月郭璉爲
吏部尚書○工部尚書黃福平江伯陳瑄經略漕
運○寧王權上書謝罪○五月初設鈔關○寧王
權請灌城田不許○六月郭資掌行在戶部事○
列侯諸將轉餉開平○秋七月幸文淵閣○行在
戶部上戶口登耗之數○劉觀有罪徙遼東○八
月楊溥憂去尋起復直弘文閣○九月山雲討平
柳潯賊○冬十月庚辰幸文淵閣戊子幸文淵閣
○改張瑛爲南京禮部尚書陳山專授小內使書
○甲午帝閱武近郊戊戌還京○十一月磔臧清

於市○列侯諸將帥師巡宣府○十二月

庚宣德五年春正月兩朝實錄成○少保戶部尚

書夏原吉卒○二月鎮朔大將軍陽武侯薛祿副

總兵恭順侯吳克忠左右叅將武進伯朱冕奉化

伯滕定率師巡邊○已未帝謁長陵獻陵○三月

已酉帝還京○黎利篡陳高而自立琦還利表請

封○熊檠爲南京右都御史葉春行在刑部右侍

郎改江南民運爲兌運○夏四月加楊榮少傅○

尚書黃福總理淮北河南山東屯田○五月况鍾

何文淵爲蘇州温州知府○令追奪駐官誥勅○

六月南京副都御史吳訥致仕○置萬全都指揮
司○秋七月太保陽武侯薛祿卒○禮官請賀龍
駒瑞麥嘉禾皆不許○八月己巳朔日食○九月
初設巡撫于謙周忱爲行在兵工部右侍郎謙巡
撫河南山西忱巡撫江南直隸○嚴璉伏誅○乙
卯帝巡近郊己未還京○十月丙子帝巡近郊戊
寅度君庸闕己卯獵岔道壬辰還京○丙申夜蓬
星見○十一月山雲討平慶遠蠻○十二月浙江
巡撫侍郎成均築捍海隄○閏十二月

辛亥宣德六年春正月張本卒○二月巡按江西御

史陳祚下錦衣獄○趙儼伏誅○三月○夏四月
有星孛於東井○五月溧陽妖人伏誅○四川總
兵陳懷移鎮松潘○六月遣行在禮部右侍郎章
敞諭黎利權署安南國事○秋七月帝幸楊士奇
第○八月○九月熒惑犯南斗○冬十月丙午帝
巡近郊庚戌還京○十一月唐受伏誅○十二月
袁琦伏誅○大學士金幼孜卒

壬宣德七年春正月朔日食○少詹事兼翰林學
士曾榮卒○二月行在工部右侍郎羅汝敬總督
陝西屯餉河渠事○三月○夏四月募商輸粟塞

下○五月○六月○秋七月○八月行在戶部尚
書黃福掌南京戶部事○令在京三品上官舉有
才行文學者○九月山雲爲都督同知仍鎮守廣
西○冬十月○十一月○十二月修祖陵孝陵

癸丑宣德八年春正月○二月○三月賜曹鵠等進
士及第出身有差○山東旱饑○夏四月○五月
四川盜起副都御史賈諒討平之○六月平蠻將
軍都督方政副總兵蔣資鎮守松潘○秋七月初
置武驤騰驤四衛○八月焚惑犯南斗○黃福兼
掌南京兵部事○閏八月彗出天倉○九月○冬

十月平江伯陳瑄卒○十一月左副總兵右軍都督僉事王瑜督理漕運鎮守淮安○十二月郭資卒○修南京宮殿○是年日本國王源道義卒遣使弔祭

甲寅宣德九年春正月○二月妖僧李臯謀反伏誅○南京刑部右侍郎段民卒○三月戊寅百官朝皇太子於文華殿○王驥爲行在兵部尚書○夏四月琦還黎利死利子麟遣人告喪○五月使祭黎利○六月震大祀壇門○秋七月○八月楊溥爲禮部尚書仍兼學士○瓦剌脫歡攻殺阿魯台

其子阿卜只俺來歸以爲中府左都督○僉都御史爰晏如卒○九月張瑛仍直文淵閣尋卒○癸未帝巡邊乙酉度居庸關丙戌獵岔道辛卯駐宣府己亥大獵○冬十月丙午帝還京○侍郎章敞諭黎麟權署安南國事○陳敬宗爲南京國子祭酒○翰林學士沈度卒○十一月○十二月甲子帝不豫衛王瞻埈攝享太廟

乙卯宣德十年春正月癸酉朔帝不豫百官朝皇太子於文華殿○甲戌帝崩於乾清宮壬午皇太子即皇帝位○少師吏部尚書蹇義卒○號謚大行

皇帝憲天體道英明神聖欽文昭武寬仁純孝章
皇帝○尊皇太后張氏爲太皇太后皇后孫氏爲
皇太后○封皇弟祁鈺爲郕王○釋御史陳祚囚
復其官○楊溥仍直文淵閣○二月○三月○夏
四月○五月王驥爲行在兵部尚書○六月葬景
陵○加黃福少保叅贊機務○秋七月○八月平
羌將軍寧陽侯陳懋鎮守甘肅○九月修宣宗章
皇帝實錄○虜阿台朵兒只伯寇甘涼○陳鑑爲
右副都御史鎮守陝西兼督延寧邊備○徐晞爲
行在兵部右侍郎巡撫甘肅○太監王振掌司禮

監事○黃宗載爲南京吏部尚書○冬十月羅亨
信爲僉都御史練兵平涼○十一月○十二月

皇明大政記第四卷終

子履準校正

皇明大政記第五卷

吾學編第五卷

臣海鹽鄭曉

丙辰英宗睿皇帝正統元年春正月

是年經筵○二月

僉都御史王翱鎮守江西○三月行在兵部左侍

郎柴車叅贊陝西軍務○鄺瑩爲行在兵部左侍

郎○夏四月河北旱蝗○五月設提學憲臣薛瑄

爲山東提學僉事○六月陳智爲行在右副都御

史○閏六月○秋七月徙封襄憲王於襄陽淮靖

王於饒州○八月○九月張瑛卒○冬十月脫歡

朶兒只伯相讐殺○十一月○十二月尚書王驥

巡視陝西諸寨

正統二年春正月○二月宋儒胡安國蔡沉真
德秀從祀孔子廟庭○三月○夏四月○五月行
在左都御史顧佐致仕○六月行在僉都御史魯
穆卒○秋七月○八月○九月虜入甘肅塞尚書
王驥總督陝西軍務禦之○何文淵爲行在刑部
右侍郎○令三品上京官薦堪任方面郡守者○
冬十月○十一月○十二月

戊午正統三年春正月○二月○三月○夏四月宣
宗章皇帝實錄成進楊士奇楊榮少師楊溥少保

武英殿大學士王直王英並禮部左侍郎李時勉
錢習禮爲翰林學士王驥遣兵敗虜于塞外阿台
朶兒只伯走死○五月江北大水○六月○秋七
月○八月○九月○冬十月王驥還京兼大理卿
掌部事柴車爲兵部尚書仍贊理陝西軍務○封
都督蔣貴定西伯任禮寧遠伯趙安會昌伯○雲
南麓川宣慰思任發叛○十一月陳敬宗爲南京
國子祭酒○十二月

己未正統四年春正月麓川思任發叛遣主事楊寧
諭之不聽○二月大學士楊士奇展墓尋還朝○

閏二月○三月逮湖廣巡按御史陳祚下錦衣獄
尋釋之○夏四月倭寇浙東○五月黔國公晟率
兵討麓川都督方政力戰死之晟暴卒子斌嗣黔
國公鎮守雲南○六月京師大水求直言修廢政
令戶部侍郎吳璽順天府尹姜濤賑卹軍民○僉
都御史王朔巡撫四川叅贊軍務○秋七月○八
月丙子朔日食○九月○冬十月廢遼王貴烺爲
庶人○十一月造渾天璿璣玉衡簡儀○十二月
徙封荆憲王於蘄州

庚申正統五年春正月甲辰朔日食○叅贊機務少

保南京戶部尚書黃福卒○襄城伯李隆提督京
營豐城侯李彬守備南京○二月行在翰林侍讀
學士馬愉侍講曹鶴並直文淵閣○大學士楊榮
展墓○三月○夏四月立存積常股鹽法○五月
倭寇浙東○六月○秋七月少師工部尚書兼謹
身殿大學士楊榮卒○八月○九月封張昇爲惠
安伯○冬十月儀銘楊翥爲郕府左右長史○十
一月○十二月○是年令進士舉人監生吏員官
聽諸司保舉

辛酉正統六年春正月己亥朔日食○征夷將軍定

西戾將貴監督軍務太監吉祥提督軍務兵部尚
書王驥及侯璉楊寧帥師討思任發○二月會都
御史王翔鎮守陝西○大學士楊漣展墓尋還朝
○三月○夏四月○五月○六月陳智免王文爲
右都御史○秋七月丙申朔日食○八月○九月
○冬十月奉天華蓋謹身三殿成大赦○十一月
定都北京○右副都御史吳訥致仕○王驥進攻
麓川思任發走緬甸遂旋師○閏十一月李時勉
爲國子祭酒○十二月普花可汗及也先遣人貢
馬

壬戌正統七年春正月○二月○三月賜劉儼等進

士及第出身有差○封蔣貴定西侯王驥靖遠伯

侯璉楊寧為禮刑部右侍郎贈謚方政威遠忠毅

伯○僉都御史王綱提督遼東軍務○夏四月○

五月○六月庚寅朔日食○少師工部尚書吳中

卒○秋七月吏部尚書郭璉罷○倭寇浙東○八

月僉都御史魯穆巡視江南○九月置太倉庫○

冬十月太皇太后張氏崩○復以定西侯蔣貴為

總兵官靖遠伯王驥兼兵部尚書提督軍務討思

任發經發獲達賴嗣遂殺師○十一月○十二月

○是年蘇州知府况鍾卒○襄王瞻塔來朝

癸亥正統八年春正月王直爲吏部尚書王英禮部
左侍郎馬昂刑部右侍郎調吏部侍郎魏驥於禮
部○二月○三月○夏四月震奉天殿求直言○
大理少卿薛瑄下獄論死○封元儒吳澄爲臨川
郡公從祀孔子廟庭○立皇后錢氏○庀剌順寧
王脫歡死○右都御史陳鑑掌院事左都御史王
文巡撫陝西○五月王翱爲副都御史仍提督軍
務○畿內旱蝗○六月甲申朔日食○翰林侍講
劉球下錦衣獄暴卒○秋七月國子祭酒李時勉

荷校尋釋之○八月致仕太子賓客國子祭酒兼翰林侍講胡儼卒○九月倭寇浙東按察僉事陶成整飭海道○冬十月徙封鄭靖王於懷慶○十一月壬子朔日食○故后靜慈僊師胡氏卒○十二月

甲子正統九年春正月新建太學成帝幸學謁先師○進曹鼐翰林學士○二月○三月少師兵部尚書兼華蓋殿大學士楊士奇卒○夏四月翰林學士陳循直文淵閣○旱遣官請雨岳鎮海濱○五月刑部侍郎楊寧奏贊雲南軍務○六月○秋七

月兀良哈入寇成國公朱勇率諸將分道出塞擊之○閏七月浙西大水○八月○九月○冬十月丙午朔日食○十一月○十二月

乙丑正統十年春正月○二月○三月賜商輅等進士及第出身有差○夏四月朔日食○五月

○六月○秋七月○八月○九月○冬十月進曹鶴吏部左侍郎陳循馬愉戶禮部右侍郎侍講學士苗衷高穀爲兵工部右侍郎並兼侍講讀學士真文淵閣○錢習禮爲禮部右侍郎○十一月○十二月右都御史王文鎮守陝西○是年刑部侍

郎薛希璉巡撫保定淮安十二郡

丙寅正統十一年春正月○二月○三月降于謙爲

大理少卿仍巡撫○夏四月朔日食倭寇浙

西○五月○六月○秋七月少師禮部尚書兼武

英殿大學士楊溥卒○八月作畧影堂○吏部尚

書王直侍郎趙新曹義掌光祿寺事戶部侍郎柰

亨下獄禮部侍郎錢習禮署吏部事○九月鄭瑩

爲兵部尚書○冬十月閱武近郊○十一月京營

總兵襄城伯李隆帥師巡邊○十二月○是年召

楊寧還侍郎蔡璉兼贊雲南軍務

丁卯正統十二年春正月○二月國子祭酒李時勉
致仕蕭鎡爲國子祭酒○于謙爲兵部右侍郎○
夏四月○閏四月○五月王顥爲右都御史仍提
督遼東軍務○六月禮部右侍郎錢習禮致仕○
七月河決張秋潰沙灣入海尋決滎澤入淮工部
尚書石璞治之○八月朔日食○九月禮部
侍郎兼侍講學士馬愉卒○冬十月浙東葉宗留
反僉都御史張楷討之○十一月○十二月襄城
伯李隆卒

戊辰正統十三年春正月○二月

朔日食○三

月賜彭時等進士及第出身有差○夏四月福建
鄧茂七反總兵都督劉聚副總兵陳榮監督軍務
僉都御史張楷率師討之○侍郎薛希璉巡撫福
建提督軍務○五月○六月侍郎楊寧巡撫江西
○秋七月總兵都督徐恭提督軍務工部尚書石
璞帥師討葉宗留○八月魏驥王英爲南京吏禮
部尚書○九月侍郎孫原貞都御史軒輅鎮守巡
撫浙江○冬十月雲南思機發叛總督軍務靖遠
伯王驥總兵都督宮聚副總兵張凱田禮帥師討
之○宣府總兵楊洪破虜阿台於塞下封昌平伯

尋總兵鎮守宣府○十一月驥兵至金沙江思楷
發遣令其子思祿居孟養遂旋師○起復于謙爲
兵部右侍郎○張楷分兵討浙賊葉宗留

副總兵陳榮戰歿楷進兵討閩賊○十二月

巳正統十四年春正月征夷將軍寧陽侯陳懋副
總兵保定侯梁瑄平江伯陳豫叅贊軍務刑部尚
書金濂監督軍務太監曹吉祥率師討鄧茂七○
鄧茂七寇建寧掌府事叅政張瑛戰歿○二月鄧
茂七攻延平剽聚禦之茂七中流矢死張楷撫定
閩賊還兵討浙賊金濂陳懋留鎮福建○虜也先

寇大同○貴州苗反總督軍務兵部侍郎侯璉副
總兵都督方瑛率兵討之○周忱爲戶部尚書仍
巡撫尋致仕○福建降賊羅汝先黃琴爲縣丞主
簿○三月韓雍爲僉都御史巡撫江西○夏四月
平蠻將軍靖遠伯王驥擒苗酋富檻送京師伏誅
尋召驥還○五月侍讀學士張益直文淵閣○湖
廣苗反總督軍務右都御史王來平蠻將軍保定
伯梁瑄率兵討之○徐恭進兵討賊敗績三司官
沈璘耿定王晟皆歿○六月丙辰南京謹身奉天
華蓋三殿災○大學士致仕黃淮卒○令三品以

上京朝官及風憲官薦舉賢才○張楷撫平浙賊
班師○秋七月癸酉入南斗○虜也先大舉入寇
丙戌帝發京師征胡郕王若守英國公張輔成國
公朱勇及列侯諸將率師以從○帝至宣府○八
月駙馬都尉井源西寧侯朱瑛武進伯朱冕遇虜
敗歿辛酉帝至上木士戌王師敗績車駕遂北狩
張輔戶兵部尚書王佐鄺楚學士曹鼐張益等皆
歿○己巳皇太后命郕王攝政立皇長子爲皇太
子郕王輔之○族誅王振○于謙爲兵部尚書○
宣府總兵楊洪大同叅將石亨逮繫錦衣獄○虜

侵大同守將郭登禦却之○己巳帝出塞○黃蕭養反攻廣州副總兵王清戰歿○金濂爲戶部尚書○九月帝在迤北○癸未郕王即皇帝位遙尊帝爲太上皇帝大赦○進陳循高穀戶工部尚書侍講商輅修撰彭時並直文淵閣○羅通孫祥爲副都御史分守居庸紫荆○薛瑄爲大理寺丞○冬十月上皇在迤北○也先使來議和遂入寇京師戒嚴都督王通鴻臚卿楊善守京城列侯諸將楊洪石亨柳溥統兵孫鏜衛穎范廣張軏分兵戰守給事中王竑葉盛程信監軍○虜破紫荆關孫

祥走死遂薄都城于譙石亭率師出德勝門禦却
之○禮部侍郎王復鴻臚卿趙榮使虜朝上皇於
土城○虜焚長陵獻陵景陵○也先出居庸伯顏
帖木兒奉上皇出紫荆諸將分兵躡虜○石彪破
虜於清風店○都御史沈固鎮守大同○尚書石
璞鎮守宣府○都御史羅通都督范廣守山西○
都督王通守天壽山○僉都御史王竑守居庸
城昌平○都御史郝來學提督京東軍務○平江
侯陳豫守臨清○何文淵爲吏部尚書○周忱工
部尚書仍巡撫○總督軍務兵部侍郎侯璉副總

兵都督方瑛討貴州苗○練綱爲監察御史○十一月上皇在迤北○京師解嚴封楊洪昌平侯石亨武清侯加于謙少保總督軍務○寧陽侯陳懋尚書金濂討平福建羣盜○總兵都督董興贊理軍務兵部侍郎孟鑑討苗蕭養○僉都御史楊信民巡撫廣東○虜寇遼東都御史鄒禦却之○十二月上皇在迤北○虜寇甘州都御史馬昂禦却之○尊皇太后孫氏爲上聖皇太后母吳氏爲皇太后立妃汪氏爲皇后○是年二至夏晝冬夜各六十一刻○討賊都御史張楷下獄放歸田○副

都御史耿九疇清理兩淮鹽法○初令京府寄欵

皇明太政記第五卷終

子履堂校正

皇明大政記第六卷

吾學編第六卷

臣海鹽鄭曉

鎮恭仁康定景皇帝景泰元年春正月上皇在迤
北○彗星見○彭時憂去○副都御史軒輶鎮守
浙江撫理鹽課○大同守將郭登敗虜於栲栳山
○閏正月上皇在迤北○京師烈風晝晦○鎮朔
大將軍石亨都督范廣率兵出大同宣府尋召還
○二月上皇在迤北○進苗衷兵部尚書兼翰林
學士○封大同守將郭登定襄伯○贈劉球翰林
學士○三月上皇在迤北○虜分道入寇○兵部

右侍郎俞綱直文淵閣尋出理部事○孫原貞爲
兵部右侍郎參贊浙江總兵都督李信軍務○夏
四月上皇在迤北○虜入鴈門○宣府叅將楊俊
擒喜寧檻送京師伏誅○廣東巡撫僉都御史楊
信民卒○董興破賊獲黃蕭養誅之封興海寧伯
○吏部侍郎何文淵請罷貴州布政司不許○大
同叅將許貴請使虜議和不許○國子祭酒致仕
李時勉卒○五月上皇在迤北○虜攻代州○浙
江按察副使陶成禦賊戰死○立團營○南京禮
部尚書王英卒○城固原○六月上皇至大同○

京師戒嚴○禮部左侍郎李實大理少卿羅綺使虜○秋七月上皇在迤北○普化可汗使來議和○實綺偕也先使把禿來議和○右都御史楊善侍郎趙榮使虜○把禿還書諭也先○兀良哈寇山西鎮守山西副都御史羅通都督王良遊擊將軍石彪鎮守鴈門副都御史朱鑑大同總兵定襄伯郭登叅謀軍事左都御史沈固叅將許貴禦之○八月善榮至虜營見上皇○癸酉上皇發迤北○千戶龔遂榮下錦衣獄尋釋之○丙戌上皇還京師遜居南宮○大赦○苗衷致仕○刑部右侍

郎江淵兼翰林學士直文淵閣○侯璉爲兵部尚
書尋卒○石亨楊洪率師分道出紫荆居庸巡哨
大同宣府○九月上皇在南宮○改江淵戶部右
侍郎進商輅翰林學士○冬十月上皇在南宮○
王驥爲南京兵部尚書總督機務○十一月上皇
在南宮○副都御史羅通協贊京營軍務○封宣
府總兵都督朱謙爲撫寧伯○南京吏部尚書魏
驥南京國子祭酒陳敬宗致仕○沐璘爲都督同
知征南將軍總兵鎮守雲南○十二月上皇在南
宮○禮部尚書胡濙請明年正旦百官朝上皇於

延安門不許○荆憲王請朝上皇不許○是年陳
鑑王文下獄尋釋之○僉都御史王竑總督漕運
○革提學憲臣

辛景泰二年春正月上皇在南宮○二月上皇在
南宮○大理寺丞薛瑄致仕○三月上皇在南宮
○都御史王來擒苗首韋同烈香爐山平○夏四
月上皇在南宮○五月上皇在南宮○江淵巡視
淮徐諸郡○六月朔日食上皇在南宮○四川巡
撫李匡破草塘賊○秋七月上皇在南宮○尚書
石璞兼大理卿總督軍務轉餉獨石○王來兵討

貴州賊○薛瑄爲南京大理卿○八月上皇在南宮○陳文爲雲南右布政使○九月上皇在南宮○冬十月上皇在南宮○浙閩盜平孫原貞爲兵部尚書鎮守浙江福建○巡撫江南工部尚書周忱致仕○李賢爲兵部右侍郎○十一月上皇在南宮○劉璉任寧羅昌平侯楊洪總兵鎮守宣府○僉都御史李秉總督邊儲叅贊宣府軍務○十二月上皇在南宮○加陳循少保進文淵閣大學士高穀少保東閣大學士禮部左侍郎王一寧國子祭酒蕭鎡並兼翰林學士直文淵閣○禮部尚書

胡濙請令百官朝賀上皇萬壽節於延安門不許
○是年王竑兼巡撫江北○改禮部尚書楊寧爲
南京刑部尚書

壬景泰三年春正月上皇在南宮○刑部侍郎耿
九疇鎮守陝西○河決沙灣堤王文行視河道○
二月上皇在南宮○也先攻敗普化可汗來獻捷
○進江淵吏部左侍郎蕭鎡戶部右侍郎○左都
御史王翱掌院事○三月上皇在南宮○彭時復
爲翰林侍讀○虜寇廣寧○有星孛於畢○夏四
月上皇在南宮○都督孫安鎮守獨石葉盛爲山

西右叅政協贊軍務程信爲山東叅政督餉遼東
○增東宮官胡濙王宣爲太子太師陳循高穀于
謙太子太傅王文何文淵太子太保江淵王一寧
蕭鏊太子少師商輅兵部左侍郎兼左春坊大學
士○遼東提督軍務都御史寇深巡撫都御史李
純總兵都督曹義上戰守方略○五月上皇在南
宮甲午廢皇太子見某爲沂王立皇子見濟爲皇
太子廢皇后汪氏立妃杭氏爲皇后大赦黃瑛爲
都督○巡撫廣西刑部侍郎李棠致仕○侍郎李
賢姚夔等巡行天下考察庶官○六月上皇在南

宮○岷莊王乞徙封不許○秋七月上皇在南宮
○廣東西守將董興武毅罷副總兵翁信陳旺鎮
守廣東西○左都御史王翺總督兩廣軍務○四
川巡撫僉都御史李匡罷提督松番兵備侍郎羅
綺總兵都督徐海整飭四川邊務○王一寧卒○
殺御用監左少監阮浪○八月上皇在南宮○熒
惑晝見○九月上皇在南宮○南京兵部尚書王
驥致仕○閏九月上皇在南宮○立團營○冬十
月上皇在南宮○太子太保左都御史王文爲吏
部尚書兼翰林學士直文淵閣○征南總督都御

史王來還京○也先請命使往來不許○十一月
己未朔日食上皇在南宮○癸未客星見輿見○
十二月上皇在南宮○是年僉都御史李秉提督
宣府軍務兼巡撫王竑兼巡撫江北○清理鹽法
○申敕薦舉

○景泰四年春正月上皇在南宮○吏部尚書何
文淵罷王翱爲吏部尚書○改九疇爲副都御史
○鎮守陝西○二月上皇在南宮○三月上皇在
南宮○軒輊爲副都御史巡撫浙江○夏四月上
皇在南宮○五月上皇在南宮○王文憂去○歲

星晝見○六月上皇在南宮○何文淵致仕○秋
七月上皇在南宮○也先弒其主普化自稱大元
田盛大可汗○八月上皇在南宮○也先使來索
報使不許○召大同總兵定襄伯郭登還朝○九
月上皇在南宮○王文起復○貽書瓦剌可汗也
先○薛瑄爲大理卿○太子太保左都御史陳鏊
致仕○蕭維禎羅通爲左右都御史○冬十月上
皇在南宮○徐有貞爲右僉都御史治張秋決河
○副都御史馬昂總督兩廣軍務兼理巡撫○十
一月上皇在南宮○皇太子卒○虜寇遼東○十

二月上皇在南宮○瓦剌諸酋並遣人貢馬○是年王竑爲副都御史仍督漕巡撫理鹽

甲戌景泰五年春正月上皇在南宮○遣平江侯陳

豫學士江淵撫安山東河南尋召還○求直言○

二月上皇在南宮○三月上皇在南宮○夏四月

朔日食○上皇在南宮○築浙西捍海塘○五月

上皇在南宮○禮部郎中章綸監察御史鍾同下

錦衣獄黃沙四塞○齊庶人賢嬭谷庶人賦愀移

置南京○六月上皇在南宮○加王文少保東閣

大學士○秋七月上皇在南宮○修天下地理志

○太子太保兼兵部尚書儀銘卒○八月上皇在南宮○九月上皇在南宮○冬十月上皇在南宮○十一月上皇在南宮○十二月上皇在南宮○是年李賢爲吏部右侍郎○王恕爲揚州知府○謫福建巡按御史林綱爲邠州判官卒

弘景泰六年春正月上皇在南宮○石璞爲兵部尚書協理部事江淵爲工部尚書掌部事○兩廣總督馬昂破瀧水徭以昂爲左都御史○二月上皇在南宮○三月上皇在南宮○夏四月朔日食上皇在南宮○五月上皇在南宮○閏五月上皇

在南宮○六月上皇在南宮○朱熹裔孫挺爲翰林世五經博士○秋七月上皇在南宮○八月上皇在南宮○杖南京大理少卿廖莊郎中莊綸御史鍾同於闕庭同卒綸繫獄離定差驛丞○九月上皇在南宮○冬十月上皇在南宮○十一月上皇在南宮○十二月上皇在南宮

丙景泰七年春正月上皇在南宮○二月上皇在南宮○誠意伯劉基裔孫祿爲翰林世五經博士○三月上皇在南宮○夏四月上皇在南宮○沙灣堤成○五月上皇在南宮○寰宇通志成○進

陳循華蓋殿大學士兼文淵閣大學士高穀王文
並謹身殿大學士兼東閣大學士穀進少保蕭鏊
戶部尚書商輅兼太常卿倪謙呂原左右春坊大
學士○周敦頤裔孫晃爲翰林世五經博士○六
月上皇在南宮○秋七月上皇在南宮○八月上
皇在南宮○徐有貞爲副都御史○覆試順天中
式舉人○九月上皇在南宮○湖南苗叛兵部尚
書石璞討之○冬十月上皇在南宮○十一月上
皇在南宮○十二月上皇在南宮○是年削寧府
護衛○福建僉事致仕陳祚卒

丁景泰八年春正月帝不豫丙子百官請立東宮
不許

皇明大政記第六卷終

子履淮校正